

**Broj: 06-03-869-13/21/09**  
**Mostar, 16.03.2010. godine**

Na osnovu člana 79. stava (2) Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 29, člana 31. stava (2), člana 37. stava (3), člana 45. stava (1) i člana 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), člana 4, člana 5, člana 8, člana 9, člana 10, člana 11. i člana 16. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), člana 16. Pravilnika za izdavanje dozvola - licenci („Službene novine Federacije BiH“ broj 29/05) i Odluke broj 06-03-869-12/21/09 od 16.03.2010. godine, Regulatorna komisija za električnu energiju u Federaciji Bosne i Hercegovine - FERK, na IV redovnoj sjednici održanoj 16.03.2010. godine je donijela sljedeću

## **O D L U K U**

### **Član 1.**

Opća rasprava o nacrtu Prethodne dozvole za izgradnju proizvodnog objekta mHE „Kaljani“ po Zahtjevu za izdavanje prethodne dozvole za izgradnju proizvodnog objekta broj 06-03-869/21/09 od 27.08.2009. godine, podnosioca zahtjeva „ENERGONOVA“ d.o.o. Sarajevo održat će se dana 30.03.2010. godine u 12:00 sati, u prostorijama Općine Pale-Prača.

### **Član 2.**

- (1) Imenuje se **Ahmet Hukić**, rukovodilac Sektora za tehničke poslove i licence, za Voditelja postupka opće rasprave o nacrtu Prethodne dozvole za izgradnju proizvodnog objekta mHE „Kaljani“, podnosioca zahtjeva „ENERGONOVA“ d.o.o. Sarajevo. Zadatak voditelja postupka je uspostavljanje postupka za raspravu u skladu sa pravilima i propisima FERK-a i predsjedavanje raspravom.
- (2) Po zaključivanju postupka opće rasprave, voditelj postupka iz stava (1) ovog člana, dužan je izraditi pisani izvještaj s preporukom za razmatranje FERK-u, u roku od sedam dana, a po potrebi može dati i usmeni izvještaj FERK-u na internom sastanku ili redovnoj sjednici, te preporuku za donošenje odluke FERK-a.

### **Član 3.**

- (1) Obavještenje za javnost o općoj raspravi o nacrtu Prethodne dozvole za izgradnju proizvodnog objekta mHE „Kaljani“, podnosioca zahtjeva „ENERGONOVA“ d.o.o.

Regulatorna komisija za električnu energiju u Federaciji Bosne i Hercegovine – FERK

Blažburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

[kontakt@ferk.ba](mailto:kontakt@ferk.ba) [www.ferk.ba](http://www.ferk.ba)

Sarajevo, objavit će se u „Dnevnom listu“ i „Dnevnom avazu“, kao i na web stranici FERK-a na dan 18.03.2010. godine.

- (2) Tekst Obavještenja za javnost o općoj raspravi o nacrtu Prethodne dozvole za izgradnju proizvodnog objekta mHE „Kaljani“, podnosioca zahtjeva „ENERGONOVA“ d.o.o. Sarajevo, je sastavni dio ove odluke.
- (3) Zainteresovana pravna i fizička lica mogu podnositi pisane komentare na nacrt Prethodne dozvole za izgradnju proizvodnog objekta mHE „Kaljani“, podnosioca zahtjeva „ENERGONOVA“ d.o.o. Sarajevo, na adresu FERK-a ili putem e-maila FERK-a, u periodu od 18.03.2010. godine do 02.04.2010. godine.

#### Član 4.

Ova odluka stupa na snagu danom donošenja, te se objavljuje na oglasnoj tabli i web stranici FERK-a.

### O b r a z l o ž e n j e

Članom 29. stavom (1) Poslovnika o radu FERK-a i članom 4. Pravilnika o javnim raspravama i rješavanju zahtjeva i žalbi FERK-a propisano je koje vrste javnih rasprava FERK može voditi tokom postupaka opisanih pred FERK-om, kao i da FERK zadržava diskreciono pravo da definiše vrstu rasprave koja će se provesti u bilo kojem postupku koji treba da se održi pred FERK-om.

Članom 29. stavom (2) Poslovnika o radu FERK-a i članom 5. Pravilnika o javnim raspravama i rješavanju zahtjeva i žalbi FERK-a propisano je da se opća rasprava vodi u cilju saslušanja komentara zainteresovanih lica i javnosti na pravilo, propis ili bilo koji drugi dokument predložen od strane FERK-a, kao i njihovog razmatranja i eventualnog prihvatanja, te da FERK propisuje način dostavljanja pismenih komentara, kao i mjesto, vrijeme i način održavanja opće rasprave. Članom 8. Pravilnika o javnim raspravama i rješavanju zahtjeva i žalbi FERK-a propisano je da postupak opće rasprave počinje odlukom FERK-a na redovnoj sjednici, kojom se propisuje predmet opće rasprave, način dostave komentara javnosti, mjesto i vrijeme održavanja opće rasprave i imenuje voditelj postupka, dok je članom 10. istog Pravilnika propisan pored ostalog sadržaj obavještenja za javnost, kao i da FERK objavljuje obavještenje o općoj raspravi, te da se obavještenje za javnost objavljuje u jednom ili više pisanih medija koji izlaze na cijeloj teritoriji Federacije Bosne i Hercegovine i na web stranici FERK-a ne kasnije od osam dana prije datuma održavanja opće rasprave, dok je članom 11. ovog Pravilnika propisan cilj obavještenja za javnost.

Članom 62. Poslovnika o radu FERK-a određeno je da FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a da bi se osiguralo funkcionisanje FERK-a. Član 9. stav (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine propisuje da voditelj postupka predsjedava općom raspravom i vodi raspravu u skladu sa pravilima i propisima FERK-a, te da osigurava vođenje odgovarajućih bilješki tokom rasprave i priprema pisani izvještaj, koji

sadrži kratak pregled toka rasprave i preporuke za razmatranje FERK-u, a može podnijeti i dodatni usmeni izvještaj na internim sastancima i redovnim sjednicama FERK-a, dok je članom 16. istog Pravilnika propisano i da voditelj postupka pisani izvještaj dostavlja stranama u postupku i svaka strana ima mogućnost dostaviti komentare na izvještaj za razmatranje FERK-u prije konačnog odlučivanja.

FERK je na IV redovnoj sjednici održanoj dana 16.03.2010. godine, usvojio nacrt Prethodne dozvole za izgradnju proizvodnog objekta mHE „Kaljani“ podnosioca zahtjeva „ENERGONOVA“ d.o.o. Sarajevo, koji se u skladu sa navedenim upućuju u postupak javnih rasprava.

Na osnovu navedenog odlučeno je kao u dispozitivu.

**PREDSJEDNIK FERK-a:**  
Zdenko Šimunović s.r.